

Երկու կողման աղեղները եւ փոքր պատուհանները կամարածե են: Նաւին ամենամեծ պատուհաններն ալ նմանապէս կամարածե են: Կամարները կը հանգչին ուսերու (consoles) վրայ, արեւելքի և արեւմուտքի վերջին սիւները քառակուսի են, միւսները գլանածե:

### Բ. Էլ-Քասրա

Արեւմտեան ճարտարագետութեամբ շինուած միւս մզկիթին նկարագրութիւնը չէ հրատարակուած, և պէտք է յատկազօր հանել: Այս մզկիթը կը կոչուի Էլ-Քասրա, Երկինքի մզկիթը: Ըստ աւանդութեան, այս մզկիթը այն տեղն է, ուր Յակոբ լացաւ Յովսէփին վրայ, երբ անոր մահը ստույգութեամբ իրեն հաղորդուեցաւ: Իսլամները նոյն տեղույն մէջ կը յարգեն սոյն յիշատակը: Գոթական յիշատակարան մ'է աս, և Իսլամ տիրապետութեան տակ շինուած է, հաւանարար 1242ին: Ոմանք տարակուսելի կը գտնեն այս մզկիթին եկեղեցի մը ըլլալը:

Էլ-Քասրայի մզկիթը կը գտնուի քաղաքին ամենէն ծայրը, Քարիզիմ լեռան զառիվայրին վրայ, ոչ շատ հեռի Սամարացիներուն տաճարէն: Ան ծածկուած է պարտէզներու խորքին մէջ, դէպի հարաւային արեւելք: Երեք զերանամէջերու պարզ ուղղանկիւն մ'է, բաժնուած որմայեցերով, որոնց մէջ կը բացուին հիւսիս-արեւելք ճակատին վրայ կամարածե դռներ:

Դռները կամարաքիւ ունին հորիզոնական լարով մը կապուած. իրենց լայն շեղեզը զարդարուած է թերահարթ սիրուն սաղարդանկարներով. բայց այս քանդակագործութիւնը արարական է:

Այս կամարները, ընդհակառակն, գաղղիական սրակամարներ են շեղեզրային բարաւորներով կիսասիւններու վրայ ինկող աղեղներով. որմայեցերն ալ գոթական են: Մէկ խօսքով, այս չէնքը երեք դռներով գոթական մզկիթ մ'է:

### Գ. Ս. Յարութեան Եկեղեցին (Մեծ Մզկիթը)

Մեծ Մզկիթը յաջորդած է Ս. Յարութեան եկեղեցիին որ աւարտած է 1169ին: Ան շինուած է այն գետնին վրայ զոր ընծայած